

लईका मन बर बाईबिल प्रस्तुत करत हवे।



रूपवती रानी एस्तेर

लिखे गए हवे। : Edward Hughes
उत्साह बढ़ाए गए हवे। : Janie Forest

अनुवाद करे गए हवे। : मधुलिका महतो
चयन करे गए हवे। : Ruth Klassen

कथा ३० ले ६०

www.M1914.org

Bible for Children, PO Box 3, Winnipeg, MB R3C 2G1 Canada

लाईसेंस : आप मन करा इ कथा ल छापे बर अऊ नकल करे के अधिकार
तमे तक हे जब तक आप मन एला बेचिहा नाही।

Chhattisgarhi

अब्बड़ बेरा आघु एकठन सुग्घर रानी रहत रहिस। ओखर नाव एस्तेर रहिस। जब ओखर दाई-ददा के देहांत हो गिस, तब ओखर कका भाई मोरदेकै ओला अपन घर ले आनिस। एस्तेर एकठन नीक बेटी कस आग्या मानके अपन कका भाई के आदर करत रहिस।




1



एस्तेर हा फारस म रहत रहिस लेकिन ओहा फारसी नई रहिस। ओहा यहूदी रहिस। ओखर पुरखा जुद्ध के बेरा कइदी बनाके इहाँ लाने गए रहिस। एस्तेर के बेरा के घडी म इंहा अब्बड़ अकन यहूदी रहत रहिन।

2

फारस के राजा
सनसार के राजकुमार
मन बर एकठन
जेवनार के आयोजन
करिस, जम्मो झन
खाइन रानी बसती
घलो महिला मन बर
जेवनार के आयोजन
करए रहिन।



3

दरुहा राजा हा,
रानी बसती ला
आदेश दिस की
ओहा राजमुकुट ला
पहिरे अउ अपन
सुग्घरता कर
परदरसन करए
रानी बसती अइसने
करए ले इनकार
कर दिस।



4

ऐ दिखाए बर कि महिला
मन अपन गोसाईं कर आदर
करए, राजा हा एक ठी नियम
निकालिस, ऐहि नियम के चलत
रानी के राजमुकुट ले लिन।
अब ओहा रानी नइ रहिस।



5

एकठन नावा रानी
के तलास के ऐलान
करे गईस। ओखर राज
म अब्बड़ सुग्घर नोनीपिला
रहिन। ओखर म ले राजा
हा एस्तेर ला अपन
घरवाली बनाए
बर छाँटिस।




6

राजमुकुट रानी ला
पहनाईस। एस्तेर हा
राजा ला इ गोठ ला
नी बताईस की ओहा
यहुदी हावय काबर कि
ओखर कका भाई मोर्दकै
अइसने कहे ले मना
करए रहिस।



7

कका भाई मोर्दकै राजमहल
के परवेश दुवार म समय ला
बितात रहिस। ताकि ओला
एस्तेर के सनदेस मिलत
रहय। एक ठीन दिन दु राज
सेवक राजा ला मारय के
गोठ करत रहिन। इ गोठ
ला मोर्दकै, सुन दारिस।



8




मोर्दकै इ गोठ ला राजा करा अमरा दिस। जेखर बर राजा बहाँच गिस। सेवक मन ला फांसी म टांग दिए गईस अउ मोर्दकै कर नाव राजा के इतिहास के पुस्तक म लिख दिए गईस।

9




राजा हा एक ठी हामान नाव कर मनखे के पद ला ऊँच करिस जोन हा धनवान रहिस।

10



जब हामान डहर म जात रहिस, त जम्मो झन ओला दनडवत करत रहिन: खाली एक ठन मनखे ला छोड़ के जोनहा यहुदी रहिस। ओहा खाली अपन जीयत भगवान के बंदना करत रहिस।

11




हामान मोर्दकै ले अड़बड़ नफरत करत रहिस। ओहा ओला अउ फारस के यहुदी मन ला मारए के निरनय करिस। दुस्त हमान अड़बड़ चलाकी ले राजा ले एकठी नावा अधियादेश निकरवाके आदेश पत्र म दसखत ले लिस। जामे ओ राज के जम्मो यहुदी मन ला मार डारे के चरचा करे गए रहिस।

12



येहा अड़बड़ेच कड़ा आदेश रहिस। यहुदी अउ फारसी इ आदेश ले अब्बड़ सोकित होइन। लेकिन सुरता रहे की भगवान हा एस्तेर ला रानी बनाईस। ओहा एकठी यहुदी रहिस। त का ओहा इ रहस्य ला राजा ले लुकाए रखही? या अपन जान ला जोखिम म डारके अपन मनखे ला बचाए के परयास करहि?


13



भगवान हा एस्तेर ला एकठी चउतरा बाला उपाय दिस। ओहर राजा अउ हामान ला एक ठन जेवनार म आए के नेवता दिस। एकघा राजा हा रानी ले वादा करे रहिस कि जोन ओहा मांगही ओहा करए जाही राजा अउ हामान, मोर दवारा तियार काल के जेवनार म आए ... ओही घड़ी ओहा राजा ले माँगही कि ओहा का चाहत हवय।

14

ओही बेरा हामान अब्बड़
ऊंचा फांसी के खम्भा
मोर्दकै बर तियार करिस।



15

ओही रात राजा सुते नई सकीस। राजा
कछेरी के संगरहित पुस्तक ला पढ़त
रहिस। जिहां ओहर ये पढ़िस कि मोर्दकै
ला कभो घलो ओकर जान बचाए के
परतिफल नई देहे गए रहिस।



16

आघु बिहनहा राजा हामान ले
पुछिस जउन मनखे ला राजा
मान-सनमान देहे ला चाहत हे
त ओखर बर ओला काए करए ला
बने होही ? हामान हा ये सोचिस
कि मोर सेती अउ कउन
होए सकत हे।



17

हामान मोर्दकै ल फांसी म चघाए बर राजा ले
अनुमति लेहे बर आए रहिस। खम्भा हा लेकिन
अभी इनतजार करए ला रहिस। इ विचार ला जोस
के संग राजा के आघु म राखिस कि ओला राजा
कस ओन्हा अउ
मुकुट
पहिराय
जावय।



18

राजा ला घोड़ा म बइठा के नगर के
चउक म ओला घुमाए जावय ताकि जम्मो
झन देखए। मोर्दकै के संग येच करए
जाय, राजा हा हामान ला ये आदेश दिस।



19

आपमन का सोचत हव कि हामान ला
कइसन लागत रहिस होही जब ओहा
मोर्दकै ला नगर मा लेके जात रहिस।




20



अब ओहा मोर्दकै ला आघु ले घलाव अब्बड़
रिस करए लगीस, हामान अइसनेच सोचत
रहीस होही "थोरकुन इतनजार करव।" "कुछुय
बेरा पाछु तय हा दुसर यहुदी मन संग मारे
जइहा।"

21

ओही दिन हामान अउ राजा,
रानी एस्तेर के जेवनार म
आईन। राजा हा पुछिस, रानी
तोर बिनती का हे ओहा अपन
वादा ला नई भुलाय रहिस।
रानी एसतेर हामान अंगत
इसारा करय ओकर जम्मो
दुस्ट चाल ला राजा ला बता
दिस। "राजा हा कहिस ओला
फांसी म टांग देवा।"




22

तब राजा एकठा अउ दुसर आदेश निकारिस ताकि यहुदी अपन
परान ला बचाइन अउ ओमन बहाँच गिन। मोर्दकै के पद ऊँचा
करय गिस।



23

जम्मो यहुदी मन ला आनंद अउ खुसी होइस। एक दुसर ला भेंट
देहे लागीन। आजो घलो यहुदी मनखे इ गोठ ला सुरथा करथे
कि कइसे भगवान हा ओही सब्बो ज्ञान ला रानी एस्तेर दवारा
बचाइस।



24

रूपवती रानी एस्तेर

इ कथा हर भगवान के बचन के द्वारा एक ठी बाईबिल
पाए जाथे।

एस्तेर

"आप मन कर बानी हर एला अंजोर देखे।"

भजन संहिता ११९ : १३०

भगवान ला पता हे कि हमन गलत काम
करे हन जेन ला ओहर पाप कहिथे। पाप के सजा मौत हावे।

भगवान हमन ले बहुत प्यार करथे, ओहर अपन बेटा ईशु मसीह ला क्रूश में
मरे बर अऊ हमर पाप के सजा ला पाये बर भेजीस। ईशु मसीह हा फेर
जिंदा होगिस अऊ स्वर्ग वापस चल दिस ! अब भगवान हर हामन के पाप
बर माफ कर सकथ हे।

अगर आप मन अपन पाप ले मुख ला मोड़े बर चाहत हव ता भगवान ले ये
कहव : हे भगवान! मैं विश्वास करथव कि ईशु मसीह हा मोर बर मरीस
हावे अऊ अब ओहर फेर ले जीवित हावे। दया करके मोर जिंदगी मा आवव
अऊ मोर पाप ला क्षमा करव। ताकि मैं हर अभी नांवा जिंदगी ला पा
सकव, अऊ आप मन के संग मा हमेशा बर रह सकव। आपके बेटा बनके
आप बर जिये सकव।

बाइबल ला पढ़व अऊ भगवान से रोज बात करव !